



詳考法氏著述八折詩話未見著錄尤有
秘笈是書殆成於公在魯卷極頌集
時也切更何實什之小詩餘話時甲寅二月



八折詩話

詳考法氏著述八旗詩話未見著錄尤為
秘笈是冬殆成於公在篋篋程頌集
時也切更何實什之小詩餘語時甲寅二月

八旗詩話



凡雙圈皆詩龕語單圈則採增他說

按小詩龕為汪之選仁和人有小詩龕詩稿

四卷 韵 打 注



伍克氏法梧門編著

八旗詩活



鎮國慤厚公名高塞 太宗六子號靜一主人有恭壽堂集體

格完潔寄興蓄遠不事摹擬自與古合虞山孫暘曾錄以傳

世今所錄亦散佚僅鈔漁洋所採古近體十六章片羽一枝

彌增寶異公性淡泊加枯禪老衲好讀書善彈琴工畫精曲

理

果毅親王名允禮 聖祖十七子有春和堂集靜遠齋詩奉使
紀行詩春和集刻于雍正十一年中有桃源洞一首真不著
一字儘得凡流之妙詩云洞門深幾許隱、有泉聲仙樹參
差見春禽上下鳴松間雙鶴立柳外一舟橫遙指潺湲處花
流點、明後刻鳴威集佚之王詩理清贍寄托遙深間事鏡
削未傷凡骨工於發端如晚迹漁山作云斜陽猶半野暝色
山蒼然直造神妙其他佳句如塞外詩云四山連野暗一鳥
破烟來道上口占云亂山堆在夕陽中題宋徽宗畫鷹云凌
秋健翮閒不用可憐鸛鳳都無事皆非凡語

慎靖郡王名允禧號紫瓊主人 聖祖二十一字有花間堂詩

紫瓊巖詩鈔續鈔王稟秀星潢比陰邢晉愛與寒素俱好賢
下士海內宗仰早工述作為書沈德潛稱其畫宗元人詩宗
唐人品近河間東平而多能游藝又二王所未聞允矣其他
佳句五言十弓芳草地三面杏花風不知春色裏曾有幾人
來七言如秋在白雲村寺多之類為多

原修親王名崇安號友竹主人康悼親王椿子有友竹軒詩無
專集詩文並見嗣王敬謹齋集首詩不多而有健氣

怡僖親王名弘曉號冰玉主人怡賢親王允祥子有明善堂集

余曩時偕友人遊海淀青龍橋一帶荒園廢寺有蒼雪菴藏
叢莽中披榛翦棘至則開朗京城諸勝皆在睫下春花徑秋
尚開清泉自石罅出冷然有聲文室中粘壁皆王手蹟即
景抒懷其言痛加因錄數章歸皆集中所未存者知述興之
作散佚為多

蘊端初名岳端字正子一字兼山號紅蘭主人原封固山貝子
多羅安郡王岳樂子於太祖為四世有玉池生稿少喜吟
咏尤好西崑體因取玉池存葉正曰：白自號玉池生有春
郊晚眺詩云西嶺生雲將作雨東風無力不飛花喧傳都下

時稱東風居士旁工繪事寸楮尺璧有白云榻擁分箋客門
喧索畫人蓋紀實也年僅三十五而歿禮賢下士鄒枚之列
時未坐下常選郊島詩以示不棄寒微之意沈德潛常稱之

博爾都字閔真別號東皋漁父輔國恪僖公拔都海子官輔國
將軍有白燕棲草閣亭^真為紅蘭主人近屬汪鈍翁梅耦長陳
其年極口推許恥吟分咏旗鼓相當自築東皋別業水石花
竹擅輞川之勝一時名輩皆有詩紀其事太平歌咏之勝令
人神往焉按宗室詩如蘊端博爾都塞爾赫永忠皆一時作

詩

塞爾赫字慄菴一字曉亭號北軒李子輔國將軍泰蔭布祿子
封奉國將軍官倉場總督有曉亭詩鈔好獎借寒暖嘗途遇
徒行老翁下馬執手辨其為宋介三介三者窮居好古不求
聞達者也生平以詩為性命辨唐宋之分如淄澠一水明殘
照孤村入暮烟宋朝南渡君稱姬周室東遷帝是侯皆其佚
句乾隆九年 駕幸翰林院簡初臣三十八人侍宴賦詩非
甲科雖公孤不得與特命公以宗臣侍明年宴瀛臺如前命
一時榮之子伊都禮立齋鄂洛順厚菴俱能詩立齋早卒有

鶴鳴集

文昭字子晉號薌嬰居士原封固山貝子 蘊端從孫於 太祖

為六世有古執集松風塵餘集飛騰集知田集松凡文集東

屯集蟄吟在告集交春集古執集龍鍾集臺溪集石盃集

盤山紀述草瓢居草畫屏齋稿槐次吟艾集檜樓草薌為紅

蘭從孫問詩法於漁洋具有承授吟咏最豪家蓄古執稿就

輒投其中 聖祖嘗諭近臣宗室文昭詩學甚好惜身有殘

疾不能行走故薌嬰紀恩詩中有溫泉召試記吾曾天語重

聞感倍增多病頻煩明主念工詩每向近臣稱之白其詩大

抵剗思入骨澹語如雲排比之中不掩跳盪之外別具官商低徊

福喜字損亭龍封奉恩將軍海麟子朝考 特賜進士襲奉恩
將軍有學圃堂集將軍頌而髯每乘烏騅過長安市人見之
詫為天人喜飲酒好遊西山諸寺壁間手蹟幾遍而雪中攜
魚菜出都門選出僻地張幔獨酌又善爇中年歿無子有傳
其為神者蓋正直人也集為丹徒趙天馥所錄取徑南宋時
得雋永之致與嘉善曹庭棟唱和甚多宗為可知

弘峻字華川號冷吟居士受詩教於紫瓊主人故其吹香嚼豔
字字
一掃凡穢格调清峻朗々可誦

弘邠字據菴慎郡王子六歲解諧於十筆下草輒有可觀十五

歲而歿楚家所謂優曇花頃刻開謝耶慎王喜方外交一日
招李鐵君陳石閣賞花賦詩據菴口占待教今所存即景詩
是也鐵君石閣以秀才目之識者以為詩識

永年字美門一字純齋號飲魚子詩多緣情之作閨情云蓮心
抱苦思成藕梅子含酸隔竹仁以藕字仁字諧於借用殊傷
大雅而言有寄託者庶幾合玉溪微旨

恒仁字育萬一字月山有月山詩集志學不倦嘗以詩質沈師
俱稱其神大思精
愚尚書耕園侍御於紅蘭紫幢不多讓也惜未竟其志
十年班謝

永愈字嵩山康修親王崇安子勳鎮國將軍於 太祖為七世

此段俟
改曰補官

永忠字良輔一字渠仙又字耀仙多羅恭勤貝勒弘明子封輔
國將軍有延芬室集耀仙工詩善書畫名重一時性耽飲齋
中歲十年宿釀客至識與不識必盡醉始罷尤喜積書老屋
數椽羅列圖史春秋佳日即景寫懷作行草于舊楮上有鳳
翥鸞翔之觀余得其手札及小詩一冊題曰延芬室墨寶蓋
素菊主人所藏也為人傾倒如此

敦誠字敬亭敦敏弟有四松堂詩文集敬亭履跡未出京圻而

江湖之浩蕩川嶽之欽奇時：在骨臆間下筆清峭拔俗妙
寫難狀識者以麗善長柳子厚擬之詩幽邈靜靚如行絕壑
中逢古梅一株着花不多而香氣郁烈

鄂貌園字麟閣一字遇義滿洲人崇德辛巳鄉試第一累官至
祕書院學士有北海集麟閣際創興之始考文徵獻敷治彬
彬順治辛卯典京兆試稱得人官蹟多在滇楚其登眺之什
激昂慷慨大而非夸不徒作濶落語蘊蓄深矣

卞三元字月華一字桂林漢軍人崇德辛巳舉人累官至雲貴
總督謚恪敏有苑署公餘詩草恪敏功業爛如而喜弄文墨

始以淹博與族人為鳳同知名公尤深於詩余官祭酒選其
裔孫入學讀書詢問家世茫然不知公所藏鼎彝德素盡散
凡煙噫可慨也邦按國初以此功定天下而文教之興肇始
於崇德之初一時泛勅之士不必專攻考律而汪洋灑瀚自
合天籟開一代之先聲非偶然也故是編以公作北海二集
為冠

范承謨字觀公一字螺山漢軍人順治壬辰進士改庶吉士散
館^授編修累官至浙閩總督耿逆叛不屈被害謚忠貞有吾廬
存稿百苦吟畫壁遺稿忠貞為大學士文程次子年十七選

充侍衛仍以茂秀得應制科由詞館教歷中外全集為清苑
劉可素所編畫壁遺稿子時崇進呈 聖祖竊以宸翰親製
序文我國家表揚臣節扶植綱常意摯恩渥石門吳震方曾
刻之說鈔中奏議明白曉暢有闡國計之言韻語慷慨激烈
如觀髮指皆裂時

色冷字碧山蒙古人順治乙未進士累官刑部侍郎常聘周青
士入都共商凡雅鄧漢儀稱其雅麗深秀當屬駉壇宗匠
禪岱字靜齋滿洲人由內翰林祕書院侍讀累官吏部侍郎嘗
督師湖湘凡遇名勝雅戎馬控惚不廢吟咏登臨諸作議論

正大渾然無襲績痕可謂能者

當作積稿

佟國器字滙白漢軍人累官南贛巡撫宋荔裳極傾倒其五律

有長城之譽則其體物抒懷必不苟為炳、煨、者

范承斌字允公漢軍人大學士文程子襲一茅伯有大鳳堂集

承其家學詩有卓識鄧漢儀稱其不煩添脂傳粉只一味真

玉便不可及

費揚古滿洲人累官至議政大臣領侍衛大臣封一等公謚襄

莊伊侍御白山詩鈔獨費揚古無傳余檢其雜咏諸作有碌

碌忝朝班食祿徒尸位句又有憶昔十六齡佩刀侍金闈廿

一病辭官廿七後秉笏時當有事秋南征共北伐前後數十

年忽、駕白髮等句殆勳舊而典宿衛抒力戎行者與以平

易語寫危苦詞防身檢心之作固無事鉤章棘句

佟藹字怡公號雁眉滿洲人詩喜鍊字鍊句能以峭硬之筆寫

難狀之景多戛、獨造語

吳興祚字伯成一字留村漢軍人由貢生知州累官兩廣總督

有巡海詩稿留村詩稿世居丹山祖大圭教授遼東之清河

籍隸旗下留村武功載在史館至今聞越人猶稱頌弗衰下

筆無刀戈考上馬有詩書氣一考黃葉下寒江漁洋見之學

不歎崔黃葉獨工矣宋元考律送吏遷白解粵東與國皆其所著

佟鳳彩字高岡漢軍人由副事授知縣累官河南巡按謚勤僖有栖友堂集勤僖詩篇極繁富傳者且幾余舊藏魏惟度選本四十餘章世所稱天門山一首不在選中知逸者尚多也姚啓聖字熙之一字憂菴漢軍人康熙癸卯舉人第一由知縣累官總督尚書加少保有憂畏疾遺稿少保籍本浙從詩文俱有奇氣稿燬於火曾孫祿於浙中得其手書詩五十章鈔板以傳生平器度宏遠謀畧過人故歷官多異改當康熙甲

寅聞夏破家募守仙霞浙東賴以底定施煥平魯灣少保應時輸軍餉重犒壯士心運籌之力居多迨劉國軒敗澎湖凱旋煥於海道奏捷少保由內地馳報遲煥二日至京煥已先封靖海侯矣嘗于閩屬廣制學田於恤寒暖至今德之事功赫奕詩固不足增重而英聽異彩自非吟詠以儒所能者

徐元夢字善長一字蝶園滿洲人康熙癸丑進士改庶吉士散館授編修累官至大學士謚文定文章功績彪炳一時而蕭然於名利之外日手一編寒暑無間雖老諸生亦遜其勤苦蓋天性如此余常見青浦王侍郎述菴文鈔載其軼事多可

傳當徵而輯之詩工整不加疎散之作饒有逸趣世當分別
觀之

李基和字協萬一字梅崖漢軍人康熙癸丑進士改庶吉士散
館改主事累官巡撫有梅崖集康熙丁巳與合肥孫荃同分
校京兆闈並稱得人歷官中外有聲鄧漢儀選詩觀以不得
其全集為憾

性德字容若原名成德大學士明珠子康熙癸丑進士官侍衛
有通志堂集容若天姿英絕蕭然若寒素擁書數萬卷彈琴
咏歌評書畫以自娛不知為宰相子也所刻通志堂經解錄

嘗讀趙松雪自寫照
詩有感即繪小像仿
其衣袂座客或期許
太過皆不應徐東海
曰爾何酷似王逸少
乃大喜

水亭雜志二書世稱善本而情思排惻尤工填詞其佳句海
外人能傳之詩以清麗為工五古尤有神款

阿金字雲舉滿洲人康熙辛未進士改庶吉士散館授檢討有培
凡堂集余嘗見新城尚書與雲舉論詩手續頗致期許雲舉
為新城辛未所得士已郊典試福建取侯官詩人張遠為解
首新城以為傳衣鉢者惜未見其全集故所存寥寥

顧八代字文起滿洲人由廩生累官至禮部尚書贈太傅謚文
端世宗獎其品學兼優足為模範戎幕韓范講幄朱程咸
於兼之其全集不可見傳世有顧文端公詩鈔乃方靈皋校

訂多泛軍漢粵之作頗傷直致然而明順逆之義決成敗之機正如顏魯公書一筆一鋒忠義之心時、流露讀者改容陳于王字健夫一字榆材漢軍人登高臨遠懷古感今多見諸歌咏雖山水之清映有以資其興會亦其陶鎔者深而閱歷者至也

揆叙字凱功滿洲人由佐領侍衛累官都御史有益戒堂自訂詩集後集按查初^{夏重}敬業堂集脫體眉山無不盡之言揆叙恪守師傳波瀾無二雅疊韻長篇時覺材力不逮然涉鍊氣充所得亦足觀矣

卞永吉字謙之漢軍人官 府同知有未達堂集鄂漢儀詩觀評語

六六司馬月華公勳庸卓絕而垂情風雅時其賓客將吏酬唱于其綠水之間廣公南榜羊傳

8 峴山無過也使君詩年佐郡政事之暇掩

函讀書而吟咏富與奪唐人之席乎山謝聖凡沅其二振

卞永譽字令之一字仙容漢軍人由廕生補通政司知事累官刑部侍郎有式古堂集令之官福建巡撫著書畫彙攷六十卷為世所稱朱竹垞論畫詩有妙鑒誰能別毫髮一時難得兩中丞蓋指永譽同宋犖也

喻成龍字武功漢軍人由廕生知勅累官湖廣總督有塞上集武功奏績封疆與古大臣比烈人以文章就正徑筆驅墨染皆非宿儒若師所及詩刻意宗唐不惟句法求肖即諧考會意亦無不似也然若健中有紆餘之態祇覺情餘於文擬之麴生乃內醞黃封而非觸鼻蜚舌之燕京琥珀也沈邱愚嘗

稱其丈夫既捐軀豈能依骨肉立馬望黃河天清塞雲紫
白為學少陵

巢可託字素侯一字寄齋滿洲人由廩生授主事累官刑部尚
書有花雨松濤詩集文集考經訂詩釋義述然有一段臨摹涉獵工
夫神味往、似子厚近體未盡完善古體仿青邱一種極擺
脫羈勒文勝於詩敘事之作尤佳

孫川字方玉一字澄菴漢軍人官延安知府有竹圃詩草澄菴
祖茂蘭巡撫寧夏時脫傅青主山人於雉山人試鴻博學至
京嘗主其家澄菴猶得以詩文就正山人歸里澄菴作詩餞

之今載在集首後與盤山青溝和尙訂方外交筆墨多禪
悟

蘇良嗣字小眉一字肖公漢軍人官知府有鏡烟山房詩集詩
為一時名輩所推吳梅村稱其浸淫盛唐今觀其五古從少
陵入手叙述頗有法度又工於發端傳播藝林有以也夫

孫紹武字蓮渚漢軍人累官巡撫有晴巒詩草中丞政尚寬和
詩各有博帶輕裘之致審檝觀化時作雋語

劉廷璣字玉衡號左園漢軍人官按察使有葛莊分類詩鈔宗
高邱謂其天真流露襟期灑落凡登山臨水憶人感物與夫

善國憂民之心敦厚悱惻並形於篇什王新城亦稱之

曹寅字子清一字棟亭漢軍人累官通政使有棟亭詩鈔詩別鈔文鈔詞鈔棟亭官織造時刻全唐詩進呈 乙覽遂為一代不可少之書故於唐詩涉獵之功甚深朱竹垞謂其流覽全唐詩派多師以為師姜宸英謂其出入開寶之間尤以少陵為濫觴

范承烈字彥公漢軍人累官戶部侍郎有雛鳳堂集下筆清空而極為鄧漢儀所推服念舊懷人之章尤悱惻真摯

花色字介眉滿洲人官杭州將軍有承仁堂詩朱高安評其清

而不瘦腹而不浮

赫奕字淡士滿洲人累官工部尚書內務府總管有青靄山房詩集澗上工繪事與麓臺齊名時有南王北赫之目詩則自寫性情不以刻劃為工亦有蕭疎淡遠之致

劉德新字裕公漢軍人嘗規作者詩云人要平詩不要平人要直詩不要直此確論也覽其詩有瑰麗觀無虛憍氣宜其騷壇掉臂藝苑傾襟

郎廷槐字梅谿漢軍人官山東新城知縣有江湖夜雨集改官新城適值漁洋解組時過從城北書庫凡有撰著漁洋親為

丹鉛目染耳濡漸臻精詣詩問十九別官新城時所輯討論
精切言近旨遠漁洋一生得力具見於茲可謂諳而當矣是
集亦經漁洋點定俗調曼聲淘汰殆盡朱竹垞亦謂其善學
漁洋蓋所取者神明於離處見其合也

孫紹昉字曉峯漢軍人有樂倫堂自娛草詩境清曠嘗有白云
官微常喜一身健祿薄還嫌八口多別其際遇與其性情如
繪在渚昆香中別樹一幟

吳秉謙字鳴貞一字戴山漢軍人累官工部侍郎余嘗以河自
金昌一決南流幾六七百年談北流者多以為迂腐然按之

時勢亦不得不以為迂也觀戴山詩大有睥睨二王之槩惜
不得與之抵掌而談也

佟世思字儼若一字葭沚漢軍人江西巡檢兵部右丞國正子
官廣西思思知物有與梅堂集林幕廬謂其抑塞磊落之氣
一洩於詩王漁洋謂其宗雅頌匹三唐

高其倬字奉之號美沼又號種筠漢軍人康熙甲戌進士改庶
吉士散館授編修累官工部右丞勅三等男爵益文良有
味和堂集文良穎識通達天韻標令咳唾九霄衣裳一品宜
隨園序之傾倒倍至以為奉朝第一手也今讀其集如與許

元度顧君叔終日上下議論都無一語凡近又如東坡仇池
石尺寸宛轉陵壘畢具感以銅盆藉以玉石幽光秀色生於
几案不感不竭不重不佻中和之遺雅音斯在均能行為良
工光於累業子弟孫曾人皆有集可謂感矣

覺羅滿保字九如一字鳧山滿洲人康熙甲戌進士改庶吉士
散館授檢討累官閩浙總督有檢心稿鳧山丰采政績至今
聞越人猶能言之余與公子吉善竹坪同官太學述先人撰
述極富鏤板於閣以官事倉卒入都為幕客某攜去後索之
急某雜撫所記憶另刻以寄即今所存者故顛倒錯亂真偽

參半云

海賓字天植滿洲人康熙甲戌進士改庶吉士散館授檢討康
熙己卯副陳海寧元龍典陝西試倡和極富海寧稱其詩有
笠澤飯習當亦天機清妙者今存七律一章

法海字淵若號陶菴滿洲人康熙甲戌進士改庶吉士散館授
檢討累官兵部右丞罷後給副都統銜有悔翁集悔翁衡文
一目十行纖微弗爽下筆溜：汨：未嘗以門閥自廢格律
近中唐如心徑惠難初知斂身閱功名老漸輕粗涉世故者
不能道亦不能知其咏鶴詩通神自寫懷抱歸愚謂其風骨

獨高

石芳字蘭汀一字雲樵滿洲人康熙丙子舉人官佐領兼散騎
郎有自怡堂詩草蘭汀中年以足疾罷官策杖跨蹇梵樓佛
宇隨意棲息文士邂逅禮意有加晚年構精舍三楹廣植花
木歌咏其中詩取適意無誇多門靡之習

福敏字龍瀚弗湘隣滿洲人康熙丁丑進士改庶吉士散館歸
班雍正癸卯特授內閣學士累官大學士謚文端贈太師入
祀賢良祠文端賦性溫純御事簡重不欲以詞章自見所存
諸作雄深雅健天骨開張其夏日侍瀛壖七律深得隨事啓

沃以詩諷諭之道宜其功業爛然非詩人所能及也

蔡璉字若璞號禹功康熙丁丑進士改庶吉士散館授檢討累
官吏部尚書直隸總督降奉天府府尹有守素堂集尚書生
平勤于詩與高文良至戚唱酬最多文良畏之尚書歿手錄
藁本尚有三四十冊子孫不甚愛惜人多取之余亦得其一
皆中年作詩二百餘章氣清味腴最近劉文房錢仲文惜全
集不可再見生平造詣皆不在味和堂下

鄂爾泰字毅菴滿洲人康熙己卯舉人累官大學士謚文端有
西林遺稿文端在吳中修春風亭延攬英髦一時名儒歸之

如雲書法如老松怪石余常見其詩帖咏懷三首中云多願
長戚、小心日拳、曠達不敢尚激烈非所安又云勿為失
者笑勿得得者歡涼几來北窻得失誰後言皆見道之言也
按文端受知三朝出入將相帥府威望邊人驚服至今拜次
鄉之祠祀南康之像者如昨日也所為詩古勁蒼莽直書胸
臆卒後二十年其口人楊潮觀始叙而刻之

文明字文止一字魯齋原廬庚辰進士累官光祿寺卿有盤村
居士稿晚年有北路軍營之役得詩一卷自為小序書於平
山毳幕中有知我而復能詩者不可不令見之之語

西庫字左言一字連仙滿洲人康熙癸未進士改庶吉士散館
授檢討風流倜儻而潛心學問余見筠園讀易樓藏左言與
查夏重何義門蔣酉君入直倡和詩冊甚佳今集中不存想
軼者為多也

吳麟字子瑞一字晚亭滿洲人康熙戊子舉人官中書執院兩
辰薦舉博學鴻詞與修明史有泰谷山房集子瑞博學多聞
所著江源考載杭世駿詞科掌錄皆身所親歷為歷來記載
所不及真足補桑鄰之缺詩才氣蒼莽英颯辣語頗足動人
阿克敦字立恒一字恒岩滿洲人康熙己丑進士改庶吉士散

館授編修累官刑部尚書協辦大學士加太子少保致仕謚
文勤體國教家俱有法度豐功偉畧載在旂常詩特其緒餘
耳氣局開展筆力渾融實有統羣百家包涵萬象之槩

塞爾登字紫峯滿洲人康熙辛卯舉人累官侍講學士有綠雲

堂集學士凡流倣儻人胥樂與之遊官司業時刻六堂祝壽

詞一卷雖應酬祝嘏之作名篇絡繹亦足徵學士愛士之誠

篤所攻詩和樂之音無取裝飾

覺羅吳拜字昌言康熙壬辰進士累官左都御史和平安雅朝

翔玉堂之上不愧清班洎掌憲垣風節凜然詩指事抒情不

8 明尊字子范一字遠
村滿洲人康熙癸巳副
榜官侍講學士有香

作艱險語不作枯澀態望之如春風楊柳聽之如疎雨梧桐
朱倫瀚字涵齋一字亦軒號一三漢軍人康熙壬辰武進士累

官副都統有閒青堂詩集涵齋畫法得之天授四歲即以煤

塗壁肖諸鬼神鳥獸像見者驚詫一日攀煤車取煤身墮傷

右手中指比痊則此指甲獨厚而銳有微凹能容墨遂專以

指代筆先世武功熟閑韜鈴膂力過人工左右射相習諸技

勇九歲遇盜山東道上執鎗馳刺盜驚逸 聖祖嘗書其畫

扇賜高麗國王王復請於朝具厚幣乞畫 聖祖 高宗並

有賜題其畫詩生平詩名頗著畫掩近神健於古體七言後

山樵某投考別異夏
夏獨造推其意不欲
一語猶人亦吾黨詩
豪也惟過于誇奇不
免墜入惡道如大雪
云草枯驚柳絮蝶
死夢梨花津趙晉
傳云初以為佳矣既
而曰鄙哉學詩云漢
不飽瓜味唐非去鼓
形中秋云四野金風
吹漢壁三更玉露
洗秦錢怪僻不可
為訓

於五言佳句如暮春寫懷云朝柳亂烟鴉噪遠春江溼雨燕
低飛病起云漸老鶯花偏作態妒春風而亦以秋旅舍懷人
云荒城孤角三更夢古驛寒燈萬里心咏愁云遷客坐中杯
冷暖美人簾外月黃昏皆雅人深致版官中外數十年而瘳
或不能給其品詣可知

吳孝登字夔修漢軍人侍郎秉謙子康熙癸巳進士改庶吉士
散館授檢討累官侍讀學士有塵缶集茹苦食貧生平以教
讀為業交遊咸稱其篤摯於文學尤浸淫貫串立議甚創而
持論甚平集中讀史諸作具見一斑非朽腹人掉弄筆墨者

可比

蒙頤園字又上滿洲人康熙甲午副榜學有根柢顧屢躓場屋
不能以功業顯寄情詩酒非初願也情思纏綿襟期濶落故
所作多清曠之篇按西林相公集中贈又上詩屢見疊出久
為入幕之賓乃西林為兩朝元老而又上終於明徑前輩相
與之雅品行之高令人神往

德齡字松如號檀邨滿洲人康熙乙未進士改庶吉士散館授
檢討累官吏部侍郎有倚松閣詩稿詩學唐人得其健氣往
往不事饒削而雋旨逸思湊泊絃外

賽都字蓉洲自號石田老農漢軍人康熙乙未武進^{狀元}由累官總

兵有滇南游草武人詩染戈鋌陋習固不足言極力擺脫又

恐靡音仍體痼癖尤深蓉洲詩寫景言情喜無叫囂之音

徐湛思字沛黃漢軍人康熙乙未武進士由侍衛改刑部員外

郎累官直隸河道副總督有通介堂詩稿沛黃以舟中觀獵

詩受知由宿衛樞楯之班改授部署歷官次第似韋應物

而搽觚遇合過孟浩然矣

孫紹昌字韜光漢軍人康熙乙未武進士有步雪堂詩集西征

紀畧韜光驅馳西北戎馬倥偬掉頭搖膝吟嘯晏如著西征

紀畧傳西藏風土人物山川驛程條分縷晰足備志乘所關

其記傳摹柳州序摹永叔時具神妙

國璉榜名郭操字夏陳滿洲人康熙戊戌進士累官光祿寺卿

有靜觀堂詩官祭酒時與諸生分韻賦詩至今人猶豔其事

惜壁間手蹟漫漶不可辨識大抵攄詞命意最近香山觀其

讀白集一首可以知淵源所自矣

留保字松喬滿洲人康熙辛丑進士改庶吉士散館授編修累

官吏郭侍郎於商幼年氣盛善怒母屢折夔戒之及長使於

四方跪母前乞一枝授蒼頭嗣後我怒汝即以杖示我每怒

見杖必悚然曰母生怒輒平其純篤如此名作甚多全集存
表簡齋處

何浩字天然一字廣菴滿洲人康熙辛丑進士累官翰林院侍
讀學士下筆輒千言髫歲有才名與其弟溥有二何之日登
進士第不屑作妃青儼白語行氣如雲言近旨遠惜篇什字
字不克多見書法宗張司寇筆力恣肆名重一時

何溥字淵若一字謙齋滿洲人浩弟康熙辛丑進士官主事以
薦從軍陣亡入祀昭忠祠有謙齋詩文集英年同兄登第係
効死疆場忠烈昭、至今人豔稱之

施世綸字文賢靖海侯煊子漢軍人襲爵官漕運總督有南堂
詩鈔南堂生長晉江翻籍漢軍與鄧漢儀黃雲高齋以文事
相劇切少年諸作清迥拔俗仕宦後詞高致遠其玉者得軋
川三昧至以考懋著婦稚亦皆知名有編者俚諺與包拯同
稱者

拉歌字雪窓滿洲人官散秩大臣詩格高邁傳者甚多其佳句
如門靜無來客心空有暮鐘情隨境轉秋方信病為愁增老
自知當炊得米何為窘欲典無衣始覺貧噓寒吹冷蕭然如
老學究談道亦癖於詩者也

占鼇字蔚菴滿洲人有自鏡齋詩稿蔚菴不以詩名余嘗于額
勒洪綠雪堂屋詩集後所見之

張廷弼字秉衡一字竹園漢軍人官江蘇吳縣知縣喜結交知
名士嘗月夕放舟於湖淞之間擊鼓賦詩竟夜忘返時陳滄洲
守蘇州多有唱和之作

張廷枚字卜臣漢軍人累官福建布政使有春暉堂集以詩受

主知三方朝鮮節使復以專對遷秩謂雅才者非耶詩

波濶老成尤近吳淵穎

達禮字履中滿洲人有拳石堂詩文集履中凡所游歷如羅浮

華嶽皆有詩紀其勝省親武昌京師名輩查慎行嗣琛周起
渭李嶠瑞劉師恕繆沅徐陶璋萬徑顧嗣立張燦設酒陶然
亭餞其行賦詩紀事極一時文譚之盛則履中之風流好事
可概見矣

李岱字桐軒滿洲人襲承恩公累官戶部尚書有桐軒集桐軒
論詩有先後有開合有轉折有照應如天之生物首足自順
如地之植物根幹不倒如水源流暢而散江河如山勢迴複
而宗鎮岳如風之吹物如雲之行空故其自運字不累句句
不累牽起訖整飭羅、清疎晚年微近率易壯歲諸作高華

清雋洵能手也

閔奇方字子賓滿洲人以詩人自命嘗與僖用拙蘇穎士稱三子用拙賦性倔強詞氣不肯下人子賓別恭敬有加且贊其著作得齊梁人旨趣伊侍御選白山詩僅存數首今亦無從搜討也

兆玉字瑞君一字琢齋滿洲人諸生幼聰穎九歲能擘窠大書

賦桃花詩人豔稱之甫入學旋卒世傳其晚行句云澹月冷

秋山昏鴉集枯樹殆詩識云

僖同格字承之自稱用拙道人滿洲人拔貢生讀書甚多潦倒

場屋收其詩多感慨不平之氣間或溢為奇怪而質朴中風趣實不肯依人俯仰者七言佳句如喜雨云新水帶魚從北下碎雲如鳥向南飛清新可誦

羅萬成字寶田一字琢山漢軍人拔貢生有客妻集年侍其先人於婁東州牧署一時師友皆名流指授有法詩情磊落得唐人奧旨惟工愁善病多蕭颯之音發端高超結語卑弱中年實志有以也夫

卓爾堪字子立漢軍人系靖難忠臣諱敬之後代傳清白壯歲南征闕送方右軍前鋒又嘗輯勝國逸民詩集文武並嫻遠

近爭高其行

佛喜字怡仙一字少峰號芥岑滿洲人累官四川布政使有友
蓮堂集善丹青能煇火作畫亦好奇之士詩仿玉溪生亦有
合處

訥爾樸字拙菴滿洲人世襲一等男有畫沙集拙菴居窮髮之
地十三年吟誦弗輟暇則以蹇衛曳短車出郭荷鋤移野卉
數十種蒔階下非襟懷浩蕩烏能如此集中心存家國蓋亦
杜甫之每飯不忘君者也

朱亮字韜明滿洲人有冷月山堂詩性喜作詩家人婦子徑其

薰染皆能作韻語後人刻靜廉堂集甘運源作序以傳可謂
盛矣生平詩稿極富晚年自為刪汰其精悍之作皆不存所
存皆空靈一氣有羚羊挂角之致者殆別有會心歟

額勒洪字坦菴滿洲人有綠雪書屋詩草坦菴與鄂文端公昆
季為詩友唱酬最密賦性嚴直其下筆亦傲岸五律氣格渾
成近韋柳七律則摹大厯十子入蜀諸作時以浣花草堂
自命雖不能至心嚮往之矣

王斌字玉生漢軍人官護軍校常與蕲嬰居士唱和附見集中
茲擇其尤雅者

賽音布字九如號岸亭滿洲人官吏部草帖式改步軍校以薦

入 實錄館有宜園集溯源堂詩岸亭詩不涉險怪不蹈淺

率五言渾成非徒以新警見長與沈方舟劉東郊酬唱方舟
稱為勁敵東郊稱為老將庶幾不愧每構思木形灰色鉤深
詣絕窮夜涉旬一字不安其藁立毀身歷邊庭故其殫人出
塞詩能寫河梁之苦軍中之豪傑欲與崔司勳岑嘉州埒

尹繼善字元長號望山滿洲人雍正癸卯進士改庶吉士散館

授編修官至文華殿大學士諡文端有尹文端集紀 恩詩

文端好獎進人才傾衿推轂提訓導 公餘一卷一燈如老

諸生寒暑弗綴詩成喜人吟聽至頓挫處手為拍張或半字

未安必嚴改乃已駐節金陵與錢文端沈文慤諸老詩筒往

後香樹太傅有敗於吳江道上之語前輩凡流洵為佳話久

與喜堂司空同為詞壇鉅手司空力摹韓杜文端贈白云詩

似看山不喜平蓋確論也 高宗嘗以本朝滿洲科目惟鄂

爾泰尹繼善二人

方泰字次山滿洲人雍正癸卯舉人官御史嘗自號大瘦子卜

居西山之麓林泉花竹雅擅清幽春秋佳日名士多集詩馳

騁古今才氣極大若能就範伏轅不失為千里之馬

嵩壽字茂承一字雲依滿洲人雍正癸卯進士改庶吉士散館授編修累官吏部侍郎襲三等子爵有以紉堂焚餘稿掌文枋日以得佳士為愉快與人交推誠仗義觴咏凡流去古未遠詩清脫穩適不求艱澀惜佳作見遺者多矣

和明字蘊光號誠齋滿洲人雍正癸卯進士累官總兵有淡寧齋詩鈔武人性喜草墨詩工七言律語意清新如酒艱怕盡窺壺飲魚小貪鮮帶骨吞青松漸老雲山瘦白露初零秋月明皆佳句也

車栢字宜年一字璞賓滿洲人雍正甲辰進士官戶部主事璞

賓由車駕出為杭州司馬浙東西名山水皆經縱目露蹄蹴落花詩見志深合凡人之旨

貴昌字禹恭一字涵齋號松莊滿洲人雍正甲辰進士累官翰林院侍講學士有兆園集五律不能造襄陽精詣而清穩雅潔竟相類集中他體絕少七律非所究心然如一帶晴光淡烟樹幾重秋色貯溪山亦宋白之葑菲也

蘇章阿字雷岩滿洲人雍正丙午繙譯舉人襲恩騎尉有補履齋集雷岩為兩村保祿同宗弟詩如幽淙循澗落英際風較兩村峻厲不足娟秀有餘辨矣惟兩宋體格時近三唐

世臣字嵩喬，號木天，滿洲人。雍正丁未進士，改庶吉士，散館授檢討累官。盛京禮部侍郎，工應試體裁，言情適性之作不多。作也。余見其題張南華畫幀一絕，瀟灑可愛，故錄之。

奈曼字又倩，一字東山，蒙古人。雍正丁未進士，累官副都統。治事有決斷，識見甚超。故詩卓犖，獨儻一往，瑰奇自是。文壇驍將。

鄂樂舜原名鄂敏，字鈍，一字筠亭，滿洲人。雍正庚戌進士，改庶吉士，散館授編修。累官安徽巡撫，接文采風流，取重南中人士。詩乃散佚，不傳，窺其一斑，足知全豹。

西成字有年，一字樗園，滿洲人。雍正庚戌進士，由禮部主事累官太常寺卿。乾隆丙辰薦試博學宏詞，與兄西泰同登第。文藻才名，有郊祁軼轍之目。年均未及五十而歿。樗園博學強記，詩尤雄駿清邁，迥出塵表。天限以年，著作不能與二宋、二蘇埒惜哉。

伊福訥字兼五，一字抑堂，滿洲人。雍正庚戌進士官御史。少秉家學，且得師友之助。詩有淵源，下筆幽澗，雖得力於宋人，而意琢鍊，閑其老。年喪明，藉吟嘯遣歲月，集中佳篇多不用韻。蓋失於繕檢也。常輯白山詩鈔一冊，選擇甚精。

明善字元復一字惺齋滿洲人雍正庚戌進士官中允醇謹之士其分校鄉闈時日夕焚香禱天以淪棄真才為懼後所得士胥俊異人以是嘉之作詩格不求高語不求奇情老相應溫潤和平讀其詩如見其人

徐炎字伯鈺號崑山漢軍人雍正庚戌進士官吏部郎中為一時名宿有燕許大手筆之目晚年補稽勳郎惜遺稿不傳僅存咏物數首六碎鱗片甲耳

英廉字計六號夢堂漢軍人雍正壬子舉人累官保和殿大學士謚文肅有夢堂詩稿文肅起家外吏致位宰相 帝簡良

弼以漢軍人補滿相缺為政府創事詩自漢魏以來大家在
家皆沈潛探討擬著遺粕當與元之遺山明之青邱後先較
勝錢謙石嘗謂夢堂詩老之詩溫潤縝密超然意象之表昔
姜堯章論詩以不求與古人合而不能不合不求與古人異
而不能不異其詩老之獨造而自得乎

鄂容安字休如一字虛亭滿洲人大學士鄂爾泰子雍正癸丑
進士改庶吉士散館授編修官至兩江總督加太子少傅襲
三等襄勤伯爵殉節伊犁謚剛烈祀昭忠祠剛烈偉績具見
國史詩別與會所至感激而成忠臣傑士之端倪有非常人

所能窺測者凋斲協律妃紅儂白鳥得執以衡剛烈乎王述
菴在滇見嵩明海潮寺懸剛烈海暗雲無葉山寒雪有花楹
帖蓋隨西林相國晉漢時書筆力峻拔在褚歐間想見橫身
絕域透爪握拳狀

介福字受茲一字景菴滿洲人雍正癸丑進士改庶吉士散館
授檢討累官侍郎有西清載筆錄退思齋詩野園詩集留都
集閩中紀行草采江小草景菴先生四主春閣典順天江南
浙江鄉試英才傑士多出其門作詩以唐人為主臬嘗錄開
元大厯詩三百首心摹力揣興至輒書不加窺易故一氣旋

折之中純駁互見擇其精彩煥發者之以籠罩四靈帽服七
子

雙慶字咸中號有亭又號西峯滿洲人雍正癸丑進士改庶吉
士散館授編修累官禮部侍郎有親雅齋詩草下筆蘊藉風
味洒然有秋螢點露水鳥去波之致不必酷摹韋柳而冲遠
夷淡天趣獨得

遲維執字稚一漢軍人雍正乙卯副榜官六合知縣有政考民
情感戴其孫客况蕭條邑人猶延致之畫居停之誼詩有專
集惜未見

覺羅懷玉字純夫一字崑山雍正乙卯繙譯舉人官主事有崑山詩草性耽吟咏其詩出淡秀潔頗有長慶風格惜方壯遽逝畢秋帆嘗稱之

顧琮字用方滿洲人八代子累官河道總督有靜廉堂詩文集制府治河有績而究心閩洛學詩亦以拙直勝桐城方靈皋輯其詩鏤板吳中何中丞媚稱其不矜進取不做繩削隨意寫情而蘊蓄彌深得委曲纏綿一飯不忘忠愛之旨

高述明字東瞻滿洲人累官總兵有積翠軒集東瞻為文定兄文端父盛年勵事戎行官湖湘日喜與文士游唱和極富其

贈弟斌云與君一世為兄弟今日相逢第二場可見勲貴國爾忘家之義

高斌字東軒滿洲人累官大學士謚文定有固哉草亭詩文集文定一生精力畢於河工績著南北所為詩遠宗擊壤近仿白沙自序云觀語則鄙俚或近于和平察心則迂拙亦鄰于忠厚此得失自知矣研窮易理居已廉靜待人以恕與之文者必使之得其意而去所謂休、有容者也

趙宏恩字芸孟漢軍人累官工部尚書鎮海將軍有玉華堂集性耽翰墨好與文士較長短故撰述甚富詩模範長吉備悉

其甘苦天然入妙處不愧美藁名句律詩亦有雋語

峻德字克明一字慎齋滿洲人官筆帖式乾隆丙辰薦試博學

宏詞鬢歲從官山左得與諸文士臂箋分韻後交鮑西岡王

梅泚耻吟於日下官戶部時又與保兩村卓誤菴唱酬有農

曹七子之目詩宗鮑明遠謝康樂繼復出入于高達夫岑嘉

州而一種豪逸之氣竟不肯為古人壓倒卓哉此翁

嵩山字伯仁自號養易齋主人朱亮子有餘廉堂集以勲臣之

後通經史精騎射壯罹憂患老就安閒觸景言情皆閱歷深

至不比浮光掠影惟貪用詞藻致酒性靈五言古體峭勁五

律亦多渾成脩然有致餘則媿傷繁蕪

峒山字仲仁滿洲人嵩山弟有栢翠山房詩稟父兄家訓以詩

書為事業生平謙約不敢以文章名每于燈炮月上吮墨敲

韻藏諸篋笥祕不示人亦苦心士也兄嵩山附刻之筆致輕

靈秋蘭泣露教叢而已

傅澤洪字育菴漢軍人累官淮揚道按察司副使工于題畫余

於西山退翁卜築一帶岡麓梵宇中時見其句漫漶不成章

頗有一二清峭語殆健于為詩者

閔舒字泰叔滿洲人官筆帖式有坦菴遺稿昆季皆嗜學泰叔

潘立夫嘗謂覽其感物造端道古吟諷動生千載之思而風俗政治之大一篇之中間見側出益

詩冲淡有味官翰林院時攝廳事玉堂清署咸著題咏至今猶有傳其句者風雅之繫人心深矣哉

閔寶字惟善滿洲人泰叔弟學詩於泰叔短章矜鍊長篇沈鬱可謂二雅矣伐毛洗髓之功尚未逮焉

保祿字在中一字雨村滿洲人有野人居稿以詩名家大江而南皆誦其佳句與塞曉亭鮑西崗為文字友嗜苦吟一字不安徽夜不寐得警策句中夜起遍東同人風味可思也詩筆峭拔世以枯籐怪石擬之吾則愛其斑駁陸離夏鼎商彝雖不適用對之令人增香焉

卓奇園字悟菴滿洲人官筆帖式刻苦志學中年專力聲韻格

律謹嚴詞旨雋永同輩推為壇長峻德保祿胡星阿相偕為椽曹更迭屬和一時稱盛輯白山詩存蒐羅繁富頗具苦心惜卷帙浩博剞劂及半而歿今所傳者十六家而已官戶部出入騎一蹇以筆墨自隨有所作輒付布袋中身必散失殆盡德芝麓畫扇上有一絕云野水平沙落日遙半山紅樹影蕭條酒樓人倚孤尊坐看我騎驢過板橋遙情高款皆其佚作也

伊麟字夢得一字書采滿洲人官筆帖式有種墨齋稿書采與

用拙遠村以詩相砥礪其佳句如殘藥墜瓦香滯土古苔徑
雨綠粘牆油宮紙煖觀書日草徑泥深禁足時皆平易近人
而不乏情韻

胡星阿字紫峯滿洲人諸生官戶部草帖武詩清而腴幽而豔
香奩體修撰脫一切脂粉詣最超矣陋巷蓬門琴書遣日胸
次間直無纖塵點垢擾之下草修潔有由然也

羅泰字介昌滿洲人由佐領累官副都統學詩始沿竟陵派又
染指雲間自詡瑰奇識者以天魔妖女訛之陶其甚雜時露
孤峭

栢格字又南一字行園滿洲人官內閣中書有行園稿行園官
不高仕亦不久咸丰居鄉得以吟嘯為娛田園之趣楷墨將
之老境規撫柴桑差近似焉

五敏字好古滿洲人有聽花樓集好古為刑部侍郎邁柱子供
奉內廷旋以病免不出戶庭以讀書為消遣布衣蔬食者
介之習一空詩纖穠中度風骨自清蹊徑畧近趙倚樓鄭鶴
鵠

鮑鈐字冠亭一字西岡漢軍人官長興知縣有道腴堂詩集西
岡在湖州振興文教浙中名士多與之游著亞谷叢書釋句

各種摺撫一時掌故頗資考證筆墨亦修潔可喜尤留心韻
語生平所作不下萬首金壽門為汰存二十六卷西園語人
云詩道雖峻而其途甚坦詩法雖嚴而其用甚寬則旨趣可
知矣

六十七字居魯滿洲人官給事中有遊外詩草臺陽雜咏臺海
番社播凡圖政居魯為閩舒猶子學有淵源巡視臺灣民風
物產每以韻語紀其梗槩且博采其山川形勢為考辨足資
閒見又嘗使西域紀其風土為西域聞見錄一書極賅博詩
華而不靡詳而不雜不愧彈洽之目

王以中字慎公號時齋晚號梅岑漢軍人官甘肅涇州州判有
悅雲集攬物興懷寄托深遠子濟書令官助教能以詩世其
家余嘗採其佳句入詩話中

顏爾登字恩胥滿洲人官篆帖式有廢村詩稿工詩善畫與
卓悟菴交契筆墨亦相亞悟菴歿後以詩有天妒奇才遇竟
難句人謂其自為寓意

薩哈岱字魯堅一字樗亭滿洲人由廩生授主事累官福州將
軍有樗亭詩鈔魯堅侍從內廷最久詞林耆舊皆嘗親炙
故於詩之源流本末洞悉於胸又濟以閱歷研究討論渾融

貫澈言情處尤委、動人

永寧號東村滿洲人左都御史謚文莊薇保父有寸寸集嘗挈
家之盤山僦草屋數間居之時策蹇走山寺與山僧野老相
酬答賦山居詩以見意自號在山居士

良明字端默滿洲人城南刺梅園在雍正年間為士大夫文譙
地舉鴻博諸徵士多有題詠良明詩雜見于各集中其凡流
好事可髣髴見之

黑瑒字石夫滿洲人歲貢生乾隆薦試博學宏詞居葉河杭莖
浦掌錄稱其雅有儒風

唐英字俊公一字叔子晚號蝸寄老人漢軍人官粵海關監督
有陶人心語俊公權兩淮復權九江珠山昌水見之草墨者
為多讀起蛟行見愛國愛民之心稱陶人者以在九江兼督
菱窰也

鄂忻字怡雲大學士鄂爾泰第五子剛烈鄂容安弟官至工部
侍郎出使和闐歸在乾清門侍衛處行走以病致仕晚年貧
甚詩花讀書蕭然也詩以淡水勝有清虛齋稿

李鏞字樸靜漢軍人錫瓦官福建汀漳道有惟清齋稿樸靜為
廬青山人^元家庭唱和裒然成集以庸峭為宗與曉棠集分道

合流是知文章家不貴蹈襲也

李錯字鐵君自號鷹青山人又號焦明子漢軍人乾隆丙辰薦

試博學鴻詞復舉經學有曉棠集曉棠後集寄跡盤山潞水

間著春秋義尚史足補前古之缺先世蜀人故一字眉山淳郡王為刊其

集曰焦明詩同時倡和者如慎郡王塞曉亭陳石閣馬大益

皆能立異標新各張旗鼓山人以熱貴子偕配隱居既老一

至京師一二日即歸其詩意思蕭散琢句峭拔非皆學多

識著作等身者不能

陳景元字石閣漢軍人有石閣詩集石閣為五布衣之一詩與

李鐵君類字畫亦酷肖驟覽之覺豪氣未除熟讀細玩知其
自騷迄唐枕藉之功深矣沈摯近曲江超忽近太白而妙不
襲其皮貌有議其過求顯豁者然詩之為教覺世牖民與淺
近人語不得不爾增一分隱約便減一分性情矣

陳景中字又方一字橘洲漢軍人官同知乾隆丙辰薦試博學

鴻詞與兄石閣齊名詩亦差近惟石閣工取勢橘洲工取致

取勢者恃其才取致者存乎養橘洲作詩於重稿多不存視

石閣又有異矣

長海字滙川號清癡滿洲人有雷溪草堂詩山人冲遠任真趣

囊括一切了無容心遇佳客每疊一談五叩之別忘之矣博
古多識辨金石器往、而中酷嗜畫當意則傾囊購之嘗製
裘往帛所親劉氏喪劉氏貧事不辦山人濟之解其裘歸途
見所未見書買之解其衣由是中寒疾乃夷然伏枕曰獲多
矣山人既不事生產家遂中落衣食或不給而所好未或移
中歲愛易水之雷漢築大益菴自號雷谿居士大益菴主晚
入長安居委菴又顏其閣曰玉衡懸畫四壁對之吟諷其詩
矩矱古人而不膠于固始句尤冠絕一時李眉山嘗贈詩二
月輕寒擁鹿皮人間獨有馬鄉癡夜來竈底無烟火自詠梅

花絕調詩全集為塞曉亭所編刻

明泰字拙菴滿洲人有拙菴詩鈔日悔堂詩草姑存吾嘗于吾
師文莊公樂賢堂論當代詩人公舉拙菴為豪傑士親見其
落筆千言不休醉後輒舉所作棄置今所存朋舊掇拾者也
伊侍御謂其解職後寄居山寺席帽烏藤野橋村店瓢、然
如畫中人詩縱橫排界中有奇氣往來

薩哈齊字思亭滿洲人乾隆丙辰舉人思亭詩較克楞亭才力
少遜而古體諸作正後哀怨動人

觀保字伯容一字補亭滿洲人乾隆丁巳進士改庶吉士散館授

編修官至禮部尚書罷後官左都御史謚文恭為吾師文莊
公從兄少同筆硯長同官皆以文章受 特達知疊主文衡
所得知名士幾徧海內後生小子知與不知咸尊之為補亭
先生可謂榮矣作詩清和朗潤如其為人真摯處神似柴桑
筆之所至即其意之所寄故能於唐宋諸名家空所依傍昔
人論右軍去推其人品絕高不專學問吾于文恭詩亦云

德保字潤亭一字仲容號定圃 利 號龐邨滿洲人乾隆丁巳進士
改庶吉士散館授檢討累官禮部尚書 有樂賢堂詩文鈔督運革 謚文莊 本朝五典
春官者然孝感王韓城滿洲刘文莊一人生平以詩為性命

所著韻語十餘集和雅浩博卓為正考子侍郎英和釐為三
卷文莊篤于內行錫原之痛哭動路人宜其殆穀克家初林
德美

國梁字丹中號笠民榜名納國棟奉 勅改今名滿洲人乾隆
丁巳進士改庶吉士散館改主事官湖貴州糧驛道有澄悅
堂集胎息少陵五七古尤得蘇氏家風孫祭酒玉麟謀刻以
傳

阿桂字廣庭號雪巖滿洲人乾隆戊午舉人累官大學士封一
等誠謀英勇公。贈太保謚文成入叅政府出定巖疆兩與者

筵三園麟閣孫曾貴頭身躋八句命名初取巖洞之意相傳
乃父尚書謚文勤阿爾敦扈 蹕興安夜夢山洞一僧清偕
行及晨得公誕降信故公自壽詩云洞中老衲記前身庭桂
花香入夢頻五十九年前一日世間原未有斯人

高書勳字芸功號德亭漢軍人乾隆戊午舉人有石堂詩鈔高
文良公有子四人德亭其季也壯年抱疾不良于行日守一

編以自娛其詩清婉一洗豪貴之習如寒儒之憔悴專一者

舒瞻字雲亭滿洲人乾隆己未進士浙官江平湖知州有蘭蓀
堂集少以詩名出宰浙中喜結納名士微長薄技無不拂拭

於格外官橐悉為諸詩人剗剗費詩藻思綺合抽秘騁妍吾
獨賞其清妙微至者

索祿字敏亭滿洲人乾隆己未繙譯進士官御史唐侍郎籟菴
善鼓琴祕不示人見敏亭深器之遂傳其法敏亭乃以琴名
詩冷然如寒泉出山木葉辭樹殆亦從琴理中悟出絃外之
音知者或鮮

傅顯字令宜滿洲人乾隆辛酉繙譯舉人由內閣中書累官漕
運總督謚襄勤有卧雲堂詩稿嘗從征金川再討緬甸奉
命督造戰艦于雲南野牛壩殉身瘴癘可謂忠矣詩一卷字

岳州時所自訂者

覺羅奉寬字彰氏號栗齋又號碩亭滿洲人乾隆壬戌進士改庶吉士散館授檢討累官兵部侍郎追贈太傅詩存者甚少收散本得詩數首以存梗槩不能窺全豹也

國棟字雲浦一字時齋滿洲人總兵國柱之弟乾隆壬戌進士累官布政使有蜀遊草淮南草賦性聰穎與其兄天峰皆喜為詩不落人窠臼亦不傍人門戶可謂豪傑之士天峰以駿偉勝雲浦以恬適勝則又其性情不同者初令蓬溪人以佛之稱已卯入閩成都張嵩中江孟邵皆出其門山陰陳大獲賀

白南樓凡月思前度西蜀文章萬等倫謂此也

永亮字蘋洲一字卧岡滿洲人乾隆甲子舉人官

知州

有晚香堂詩集近體多佳句其明淨完好者可入香山之家令子耐園太字有以琴心工詩

顧邦英字洛者漢軍人乾隆甲子舉人官直隸懷柔知縣有雲川詩稿冶亭閩峯昆季與余同官學士時邀說詩於石經堂是日大雨甘道淵後玉出懷中舊人詩數冊皆其密友已歸道山者向余云有顧邦英者尤佳今不可見因誦其奇句相與擊節嘆賞

夢麟字父子弗謝山又弗喜堂蒙古人乾隆乙丑進士改庶吉
士散館授檢討官至戶部侍郎有大谷山堂集與沈邱愚同
時以詩見推沈以老諸生白首遇主致身卿貳年登期願夢
以十七官翰林二十三官國子師二十四躋八座三十一而
終何福命何懸也今兩家詩具在一以人勝一以天勝沈嘗
謂其樂府胚胎漢人五言含咀選體即降格亦近王韋七言
馳驟豪宕宗太白沈鬱頓挫宗少陵離奇瑰偉宗昌黎近體
亦不肯落大厯以下初刻為夢喜堂詩又總石鼎乙覽南行
入吳諸集為大谷山堂集皆門下士某書一仿鍾紹京以

一仿李北海書槧之精在 奉朝新城王文簡澤州陳文貞
私集外罕有倫比

寅保字東賓一字芝圃漢軍人乾隆戊辰進士改庶吉士散館
授編修改內務府郎中官杭州織造有秀鍾堂詩鈔東賓承
蝸寄老人庭訓詩禮彬少年粹然有儒者風後出理權使
閩務風雅主持不墮先業詩清婉流利淺瀨低巖泉幽石潔
可愛也

圖鎔布字裕軒滿洲人乾隆戊辰進士改庶吉士散館授檢討
累官翰林院侍講學士有枝巢詩草裕軒不求工於詩顧其

胸次
素潔遇境發抒往，有真意其尤近道可傳者晚年歸田一
集高者逼陶韋次亦北宋音別文正公謂其不忽於微不愆
於隱儒者之幹也所居室隅有地十餘畝曰漫圃惟種桑麻
及菘韭或勸其蒔花樹曰桑麻資生花樹悅目安能以悅目
之故而曠資生之地哉詩四卷分從獵靜居于役歸田諸集
自叙謂抒寫性情不蹈假借勦襲粉飾雕鏤之習蓋得心之
言也

博卿額字虛宥滿洲人乾隆戊辰進士累官奉天府尹詩蘊藉
凡流興高采烈僅得其督學川蜀作

福明安字欽文一字在亭蒙古人乾隆戊辰進士改庶吉士散
館改主事累官翰林院侍講學士持重老成人以鐵牛呼之
因以自署其篤實如此辛丑典山右試稱得人近於何雙溪
前輩齋中見其手錄遺稿雙溪即學士所得士

那霖字雨蒼滿洲人乾隆庚午舉人官戶部郎中有嘯月堂集
而蒼舉孝廉年已四十外豪氣未除猶能於廣座中揜袖揮
毫文不加點取材漢魏而不遺元明殆多師以為師者遠徵
博引摘藻含淳抒寫性靈時或見絀

德隆字野溪滿洲人乾隆庚午舉人累官貴州糧儲道觀察為

吾師定圃宗伯弟侗磊落詩如其人雖取徑宋元入山谷
道園之室

劉淳字虛白漢軍人乾隆庚午武舉官冠軍使有燕市杖藜吟
賽都子工書善詩克世其家長篇大章洋灑灑得蘇長公
遺意解組後以詩酒自豪旁及書畫對客揮灑旁若無人晚
年入道謂神仙可立致卒以窮老病死亦可哀矣

全魁字斗南號穆齋滿洲人乾隆辛未進士改庶吉士散館授
檢討累官盛京戶部侍郎終侍講學士有乘槎集奉使冊
封琉球所作內九八景十景詩瓜疇芋區殊絕地志陋習餘

多傑作

穆丹字荔帷自號晚拙居士滿洲人乾隆辛未進士改庶吉士
散館改主事累官四川嘉定知府有西南于役草荔帷當西
川用兵時以知府隨阿文成公籌運糧儲稱能所歷山水奇
險兵旅控惚一寄之于詩人謂其好整以暇五律格調渾成頗具
氣骨

秦廷璽字復山號石公漢軍人乾隆壬申舉人官杭州知府有
山曉堂詩集石公刻意工部始嫌痕跡晚年斯有容與中流
任情延攬之政古體未免跟澀五七律俱能入格

景福字仰亭一字介之滿洲人乾隆壬申進士改庶吉士散館授
編修累官兵部侍郎怕：長者詩特風雅韶秀由其筆妙也
散佚雖多碎玉零金精光自不可掩

博明字希哲一字西齋滿洲人乾隆壬申進士改庶吉士散館
授編修累官雲南迤西道降兵部員外郎有西齋詩輯遺記
誦絕人生平所閱歷山川人物以及一言一動隔數十年纖
縷不遺於朝廷掌故世家大譜系尤能口授指畫條分目晰
真一代行祕書也詩援筆立就渾脫流轉中動合繩墨惜鱗
素零散古剝墻壁間尚有存者余採詩話載其壬午典試粵

東詠古四詩畧見一斑而已

賈虞龍字雲臣漢軍人乾隆癸酉舉人有謙益堂集負才不遇
家又酷貧身後無兒遺文零落其集輾轉索之娶婦之手什
襲宛然丹黃塵空自序云自癸酉迄辛巳共得詩三百首有
奇秋患痔不能動履命平頭持扇驅蠅日書三十首以自課
凡十餘日而畢蓋未幾即卒此其全帙也

阿肅字敬之一字雨齋滿洲人乾隆甲戌進士改庶吉士散館授
檢討累官吏部侍郎降光祿寺少卿遺稿石可得僅見其贈
人故扇及所書方冊數首率少時作清曠中不乏警策語

于宗瑛字英玉號紫亭漢軍人乾隆甲戌進士改庶吉士散館授檢討改監察御史有來鶴堂詩鈔七言歌行頗肖溫李餘體亦結語生新間有墮入公安派者亦文人好奇之過令子鼇圖官徐州府亦能以詩世其家

慶玉字兩峯滿洲人乾隆丙子舉人官布政使有錦繡段詩集兩峯為望山相公第三子作詩意致超遠氣體沖和其抒寫性靈心與似村相似紆餘之中更復卓犖兩峯有獨玉者曷覺羅成桂字雪田乾隆丙子舉人有讀易山房詩雪田徐文長唐六如一流人生長太平貴胄子弟乃凡流放誕與山人墨

客齊蹤合軌天寶為之歎抑雪田胸中析槎芒角弗克按抑耶詩隨作隨軼零篇斷句人多誦之工書尤善狂草

孫霽字涵齋漢軍人乾隆丙子舉人有亦嘯集亦步集適晉車中草涵齋有書癖承先人餘蔭不克享豐厚詩多寄興之篇其瀟灑處正自未可磨滅

富森泰字東岳一字秋浦滿洲人乾隆丁丑進士改庶吉士散館授檢討有坦園初稿二稿焚餘草檢討天性敏捷詩文動輒千言不假思索而清雄雅健直堪驅逐古人手稿盡燬於火所存者特吉光片羽耳子鳳仲格世其家學詩尤橫肆長

於五古

那穆齊禮字鯉庭一字立亭滿洲人乾隆丁丑進士改庶吉士
散館改主事累官詹事為居魯侍御子弱冠游泮以詩雄同
游房山渚作為齊次凡陳勾山渚前輩推服惜遺稿不可得
見矣

此段照謹按云採
入是否希
裁酌

廣順字熙若號秀峯蒙古人乾隆庚辰舉人官織染局司庫先
司庫在官時飄然有出世想移家玉泉山下每駕一小舟從
老隸二棕鞋桐帽往來湖山烟雨中見者以為張子同陸魯
望一輩人故其詩淡遠幽秀似韋柳集中語通禪悟一夕宿

萬壽山五百羅漢堂之旁舍夜起燃炬書壁成偈語五百章
超妙不可思議

嵩貴字撫棠號補堂蒙古人乾隆辛巳進士改庶吉士授編修
累官內閣學士有郵囊存畧學士屢掌文衡八旗俊彥多出
門下嘗與余談詩示余手稿一冊錢香樹尚書所丹鉛者秀
潤中具蒼古之致未暇借鈔學士謝世子孫相繼沒此冊遂
不可得惜哉

郭潔字激泉漢軍人乾隆辛巳進士改庶吉士散館授編修休
致迎 臺授驍騎校有一枝軒偶集大父世隆曾任湖廣制

軍書法顏平原世爭寶之激泉世其家學少有才名生平無
疾者遽色故詩皆和平安雅

朱孝純字子穎號海愚漢軍人乾隆壬午舉人累官兩淮鹽運
使有海愚詩鈔劉大櫟之言曰子穎奇男子也其胸中浩
焉常有擔荷一世之心文辭率白非其所措意而其為詩古
文乃能高出昔賢之上按子純少以萬山青到馬蹄前得名
福增格字贊侯一字益菴滿洲人官侍郎有酌雅齋詩集益菴
祖相國伊桑阿父制府伊都立俱以勲業顯益菴又為怡邸
儀賓館散秩大臣可謂貴胄矣顧歛然自下喜交納詞客文

藻斐然雖天性淡泊亦攻錯之力居多詩清矯軼羣不愧作
者

託庸字師健別號瞻園滿洲人累官尚書有瞻園詩鈔尚書教
歷中外四十餘年老成持重有古大臣風性喜為詩期于達
意而止未嘗過加修飾瞻園為徐中山別業常與賓客僚佐
觴咏其間因以自號南人又謂之簪園

張浚字西潭漢軍人累官湖南驛傳鹽法道有芻桐軒集歐陽
正煥序云自園至葵亭名花嘉卉與夫幽巖邃壑游歷登臨
及人事之紛綸物情之環贖皆一一得其清微淡遠之概而

古氣磅礴又時溢于波瀾跌宕之間陳浩序云官轍周遊輻
軒所至覽其山川凡物紀勝探奇發為詩歌典雅麗自非
經生所能及

李永標字純九漢軍人官安徽分巡道有寄素堂詩草上卷楹
芝湖閩時自輯下卷別在官于役之詩皆近體古詩寥寥
一二章而已

國柱字天峯滿洲人官總兵天峯與石民學士同名國棟與石
民兄同名皆能詩出處大畧又相類甚奇天峯詩多塞上作
詞意蒼涼邁往雅與題稱固不必拘：步伐而建輪為櫓自

成一隊聞其居臺日頗興文教不徒有宣衛之勤則亦非屑
屑以詩為事者而詩竟可傳

兆勳字佑辰一字牧亭又號牧牛子滿洲人有牧牛子詩錄不
堪持贈吟常自评其詩云余詩如寒螿吟衰柳其聲澀而悽
又如青草池蛙分明聒噪而夕陽雨後却是少他不得其不
堪持贈吟自跋半窓冰雪殘臘將歸老境寂寥輕肥念切偶
作一二短章不過湖邊茅屋下消遣不淨妄心學植荒陋不
敢謬擬韓子而夢中撫掌者那得有孟郊其人耶果如釋氏
有再生之說定補償今生不讀書公案

彭振翔字風遠一字培山漢軍人有萃蘋詩鈔培山登高望遠
觸緒感懷每以詩寄其嘵喟故臨眺之興居多

白衣保字命之一字鶴亭滿洲人耽詩好遊與兆勳傳雯為山
友與戴亨國棟國柱為詩友西山名刹皆有手蹟晚官荊州
借江山以資筆墨詩近體為工七言與丁卯相埒五言駁
乎有偏師擣長城之槩非時輩所及

薩哈布字楷亭滿洲人鄭鷓鴣曲江春草詩意境不深而字
熨貼便覺如許清新咏物詩固不必拘牽本題致多糾葛楷
亭新月一絕半調與鄭鷓鴣相似

書山字秋岑滿洲人官倉場侍郎秋岑承松如先生家學以搦
管劈牋為性分中事故靖共之暇鐵鐙土埵伊唔不絕雖抒
詞命意不能出元季範圍而心氣和平自足鼓吹休明笙簧
藝苑

傅雯字凱亭滿洲人官驍騎校凱亭雖不以詩名而偶一着筆
便覺欽奇磊落昂藏之槩時流露于咳唾之間與鄭板橋交
最密風政可想凱亭工指頭畫所作三十二應真像藏法源
寺中神氣飛動後有撫者皆弗克肖尤精於畫龍虎題畫詩
往：有奇句品極高不為威惕利疚山僧寒士屢索畫不厭

富翁朝紳片紙為難常以求畫不遂忤執事太監蒙 恩恕
其疎狂免其在畫苑供奉尤自矜重不輕為強有力者畫

勒世馨字素亭滿洲人官主事有亦樂堂詩集孩提時昂解韻
語面具竹馬皆著題咏幾於無日無詩第出手太易諸體多
未入格擇其清雅者錄存數首

英凱字鐵舟滿洲人出處不可攷老兵一章其或自傷落拓耶
哀笳吹月月不明邊閩情狀都于七字中繪出

李方勉字遜修漢軍人官廣東 道有懷立堂詩集遜修卓
於吏治其為詩也耳濡目染清琅可誦書禮之家人物必儀

容修整有以導之先者耳

李方勤字禹修一字補之自號用拙逸人漢軍人官戶部主事
有李村集滋蘭堂詩集洗石山房詩集用拙為樸靜觀察子
而受教於其季父薦青山人嘗謂人口詩寧拙毋巧寧清毋
濁寧苦毋甜寧大毋小此用拙之為詩也亦即凡為詩者之
筌蹄乎余常見薦青手為點定詩草真有奪胎換骨伎倆故
其所作可接睫巢

黃頤字石咸一字雅林漢軍人諸生姿性敏妙有出塵之致與
傅凱亭友善凱亭作畫雅林多為綴其尾見者稱雙絕云

甘運源字道淵別號十三山外史漢軍人為忠果公裔與弟運
瀚俱邃於詩時有二陳二甘之日運瀚早世道淵晚年窮愁
著書學尤精進書通篆隸八分畫兼麓臺涵齋之長尤喜鏤
刻印刻得秦漢人遺意七十後就職廣東巡檢遂卒於官遺
集甚富為人取去竟不得見是編搜羅旗籍諸遺稿道淵之
力居多

甘運瀚字子灝漢軍人有舜蔗軒稿子灝為嘯崖弟嘯崖謂其古體
情致纏綿音節響亮有必傳于後之作七言近體沿七子習
氣要亦時露雋思非阿好也使天假之年其成就尚不止是

惜哉

汪松字蒼巖漢軍人官佐領有早閑詩集與劉海峯為詩文友
境地極相似五古蕭疎清遠得韋柳之遺五律清冷孤峭尤
見標格如冰結吟髯白山迎冷眼青老添兒女累貧使故交
踈太甲滅堪放周公豈易為空囊逢儉歲老屋恐愁霖亂泉
穿馬足飛旆出雲頭等句皆為戴通乾陳石問所極推許而
海峯手定之本今竟不傳

善聰字眉濱滿洲人乾隆丙戌進士改庶吉士散館改主事官
吏部員外郎深純博雅與弟善達有二難之日官詞林未克

展其才遷戶曹又未獲宣其蘊落拓以歿造物實有以靳之
嗣子玉寧詩文世其家今侍讀樞祕擅政哲識者謂厚德之
報

福保字嘉中號景堂漢軍人乾隆丙戌進士改庶吉士散館授
編修累官奉天府府尹景堂家中落官諫垣時日繕官書計
數受值待以舉炊也一夕大雪就余論詩有送窮篇識見超
卓筆亦健舉余因知景堂必不因老也既而出官奉天吟詠
遂少景堂歿其子先一月歿無孫回憶寒窓絮語恍在石火
光中景堂佳句甚多今無從構求為之憮然

明新字竹巖漢軍人乾隆戊子舉人官鹽場大使竹巖髫齡隨
父方伯公官江南與諸名士游作詩指授有法第涉獵之功
多浸淫之趣少耳隨園極稱之一時白下文讌竹巖分韻拈
毫殆無虛日尤長于言情寄內云料得深閨應有夢計程先
我到遼西細字含情臨洛浦新詩掩卷愛周南俱秀雅可誦
其他如秋夜白踈竹節月影空瓦落秋聲夜坐有懷白月未
上時星燦爛花當開盡菊芬芳多病怕逢新令節早寒初着
舊綿衣見陳毅所見集詩話

德瑞字樹菴漢軍人乾隆戊子舉人官同知有於意云何齋集

樹菴令商邱有善政邑民多尸祝之憐才好士為儕輩所豔
稱詩集得之歛人黃心菴

恒裕字惇夫一字益亭滿洲人乾隆庚寅舉人官中允有墨卿
堂稿中允書法上進晉唐人以宋元人擬之則佛然不悅詩
著墨不多頗有遠致中允固以為餘事也嘗手輯北海詩碑
千字仿周典嗣編次成文勒石行世通岐黃多所存活更喜
占卜之學言事奇中自註六壬若干卷多元解惜未傳愛硯
有山高月小者端溪上品今歸冶亭漕帥

玉棟字筠圃漢軍人乾隆庚寅舉人官知縣有讀易樓詩鈔大

令告余云嘗捧檄至某取勾當公事避兩宿古刹後大樓五
間且圯壞矣門戶封識寺衲云明初番僧所寄經卷十櫃有
人欲開視必仆跌大令強集僕役數十人撞鐘擊鼓祛翳掃
塵十櫃宛然啓視皆宋元人藏書多人間未見本檢閱徹夜
外間已有知其事者上官各遣僚佐來討大令弗予於各櫃
中取二三卷去問其所取何書祕不告人大令亡其書散寄
京城各寺中數百年後不知又為何人發之

國敏字時泉滿洲人乾隆壬辰進士改庶吉士散館授檢討累

官內閣學士余嘗謂自龍門歷叙所游後之論文者多於縱覽處求

得力江山之勝足以拓人心胸文境愈增恢奇時泉先生簡
於為詩祭告岳瀆輒迹幾遍九烟作詩遂多獨以樸實制勝
旋沒於泰安有相傳其為神者伉直之槩猶得于詩見之

瑞保字執桓一字芝軒滿洲人乾隆乙未進士改庶吉士散館
授檢討累官內閣學士與余同充翰林院辦事官同以公事
赴灤陽晝則並德夜則聯床後以校書官同筆硯于文淵閣六
閱月間以詩律商確學士深以余為能學士賦性沈摯不妄
交偶誦其所作歛然不自足其誠篤如此沒後詩多散軼為
余題溪橋詩思圖一章則其阻雨瀛洲亭時所作也是日同

作者為汪如藻德昌許兆崇今皆下世吁可慨也夫

明華字鐵岩漢軍人明新弟乾隆庚子舉人性骯髒不羈年四
十而亡有落花白雲薄命誰憐傾國色受凡偏是最高枝贈
友云空腸得酒生芒角交友因人判淺深咏古鏡白雲乍訝
青天墮明月不知滿地生秋霜秦淮水榭白雲柳深不覺漁
舟過水近先看月影臨咏萬壽菊白雲人間歲月忙中短離
下光陰淡裏長

王保字德符一字閻峯滿洲人乾隆辛丑進士改庶吉士散館
授檢討累官吏部左侍郎閻峯外和中峻不輕許可人亦未

嘗忤於人其色溫：其氣矯：與予交或數月一接或數日
一接弗見其有私喜怒詩成每先示商榷即時改竄常教易
其稿其虛懷又如此溫潤和平之音黼黻休明天不永其年
固不能不永其詩也

明瑞字筠亭滿洲人襲封公累官尚書死雖緬甸謚忠烈有北
窓吟稿以世家勲貴建功殊域捐軀蠻徼大節凜然偶有寄
託往復纏綿深合風人旨趣名曰如雨中過石門云自憐馬
上橐鞬客獨立溪邊問渡船元夜歸省云陌上晚烟飛素練
渡頭殘雪踏銀沙送弟瑤圃使烏斯藏云寒分百戰袍渴共

一刀血

明仁字素人滿洲人駐藏都統贈一等伯傅清子襲一等子官
侍衛為忠烈弟殉節軍中詩天機瀟灑純乎性情

福康安字瑤林滿洲人大學士公傅恒子累官大學士封一等
公晉封貝子贈郡王謚文襄公忠愍世韜畧傳家平壹濟清
西藏所在有功身後專祠崇祀列爵諸王人臣遇主之際
於斯為極遺詩八首得之王蘭泉司寇

奎林字瑤圃滿洲人襲公爵累官尚書提督有出棲堂吟稿將
軍以武勇稱聞其遇敵矢貫肩手自拔鏃猶能殺賊衝陣神

色不動詩乃情深致遠絕不類其為人殆詩書氣與忠義心有相為表裏者與

毓奇字鍾山一字竹溪滿洲人官至漕運總督有靜怡軒詩集河漕政績懋著身後淮人立祠祀之刻吳香亭所撰遺傳其感人之深如此詩特其餘事耳

李涇德字遐源漢軍人官參領有栖碧山房詩文稿紅亭詩存
鬢年工詩生平以不克入著作之堂為歎旨趣殊異職司之暇一花一石必有品題脩然往來於佛堂燈火間敲韻吮毫見者詫為方外逸人撰述繁夥良金雜沙礫以埋可惜也余

為淘汰存之知星芒劍氣不可終掩

慶蘭字似村滿洲人大學士尹繼善子小有山房詩鈔約春園詩鈔似村閣閱當得官乃以秀才終老天性好淡乃爾耽詩嗜靜種竹樹二畝葺瓦屋四五楹藏異書萬卷終日閉戶不接俗客詩較楊誠齋濶大范石湖深至殆能驅使性靈而不為性靈所使者

定寧字芸圃滿洲人官筆帖式芸圃向未知其能詩養疴山寺偕僧衲談元遂多清妙語刪其蕪雜翹楚自在

和理字子堅一字振菴滿洲人喜靜耽閒茗椀香壺左右自隨

赫申遲氏子字蒼江
漢軍人官知物詩不
多見今嗣遲海亭
誦遺詩數首錄存

灑得^然天趣詩克肖其人

永福字用五滿洲人累官臺灣道有可齋詩草性倜儻詩筆清

脆瀏亮尤工摹神故小詩多逸調

來賓字修文一字芳野漢軍人詩鮮經籍之腴而饒性靈之趣

觸興^實懷都成妙諦分席詞壇傾心大雅有以也夫

景福字介亭漢軍人即事一詩有筆快風霆之勢

德克精額字雲谿滿洲人官甘肅按察使有樂餘堂詩稿專講

格調於明之李何有嗜痴之癖其五者頗具衣冠珠玉梗槩

景文字彥修一字虛舟蒙古人襲伯爵官冠軍使有抱筠亭集

虛舟為大學士伍彌泰^次襲五等封庶俸可入悉供座客劈

牋蓄醜之費風趣可想某贈以聯云天上兩丸閒日月人間

一箇散神仙曲肖其人詩有別趣

懷謙字地山滿洲人官刑部郎中有兩間草堂詩賸攻舉子業

不售以他途歷郎曹磊落尚氣節有修聲為阿文成公器重

子蘆葦庵終戎已同聯捷一禮部觀政一選入翰林人以為

其氣少伸

德進字修菴一字椿亭漢軍人與秋浦太史嗜岩居士酬唱喜

集唐句為小詩極工穩其自運頗不耐

德永安字樹之滿洲人官中書詩餘清雋多有可誦者年廿餘
殂謝

那達納字伯言姓李氏漢軍人諸生屢試不第襲三等男受詩
學於甘運源詣力頗邃弟光緒編其詩四卷為惠勗堂詩

伊嵩阿字峻齋滿洲人官員外郎有念修堂詩草峻齋周慎敏
重年未三十遽歿其配郎宜人擬拾遺稿什梓宜人亦能詩

殉節死詩載附編

張祖潤字澤之一字雨田漢軍人有茂荆堂存稿大凡聰穎之士下
筆尤忌率意恃才墮入小說家數終身痼疾茂荆堂詩有晚

唐疎秀而纖俗不免學詩者不可不思所流弊也

蔡琬字季玉漢軍人綏遠將軍毓榮女高文良其倬總妻 封

一品夫人有蘊真軒詩鈔夫人才識過人好讀書撫琴尤工
詩律與文良公分韻詩成多有點定公視為一字師集為族
孫永名鏤板藏於家不使外人見以故罕傳於世余官祭酒
肄業生高堦者持全稿見貽因得瀏覽各體法度井然七律
尤渾灑流轉氣象崢嶸視空同大復覺真詣獨存聞其博極
羣書兼通政治文良公之奏疏文檄每與商定公撫蘇與總
督某不合屢為所傾而公卓然孤立咏白燕第五句云有色

何曾相假借沈思未對適夫人至代握筆曰不羣仍恐太分
明益規之也

養易齋女史宗室女朱亮室 封一品夫人有養易齋詩集夫
人平居好覽經史悅禪通釋典不甚樂為詩偶有所作輒焚
棄罕有存者歿後其子嵩山峒山搜得殘縑零墨梓之以傳
世云

蘭軒女史宗室女武功大夫嵩山室 封一品夫人有栢翠山
房詩稿夫人性閒雅好讀詩書夫有事下獄舉宅驚恐夫人
從容作烈婦詩寄獄中見志且許以死越日夫免死遣戍夫

人事姑孝聞於族黨夫遇赦歸歡聚如初雅樂琴書教導子
女詩本性真落：有丈夫氣不可以巾幗目之

余性淳字靜昭有蘭馨集吳興陸師作序云與令子瓚同官稱
其有鍾郝之型崔盧之教是不僅簪花點筆以風雅為能者
矣

兆佳氏滿洲人有西園詩氏幼喜讀書嫻女訓兼工吟咏長適
納蘭氏未幾而寡家貧課子如嚴師詩多愁苦之音每當落
花殘月淒風苦雨時拈毫吮墨短歌長吟其清操苦節令讀
者想見焉

端靜閒人氏韓漢軍人庫掌和順室 贈淑人有帶綠草堂詩

集先淑人通經史工韻語顧有所作祕不示人投稿古鏤中
 值朔望輒引火焚化且曰水流花放跡象莫存月白風清光
 景斯在聞者以為見道語心性和平出語清婉近體五言如
 家貧秋覺早樹缺月宜多焚香忘拜佛看畫勝游山讀書合
 深夜喫藥及中年燈昏書味永雪冷粥香遲病樹無蟬響空
 塘有鷺飛雪緊鴉栖樹風高犬吠門棗紅高樹日竹綠破籬
 霜芰荷香抱屋楊柳綠隨溪池風吹草濕春月入簾虛桃花
 紅抱郭松葉綠圍山秋在蕙葭外詩成凡兩時七言如酒店

春凡牛背穩板橋新雨馬蹄香習字最宜新雨後看花多及
 晚風前馬齒菜香秋雨地雞冠花豔晚霞天庭草綠殘聞蟋
 蟀水花紅賸見蜻蜓豆館雨晴蝴蝶鬧藕塘風過鷺鷥閒睡
 早不知花放晚心閒但覺蝶飛忙漸少吟詩思作佛不多栽
 樹為看山皆可傳惜全篇不記憶矣

高景芳漢軍人世襲一等侯張宗仁室有紅雪軒集以小賦為
 第一詩餘次之詩則五古七古屬辭比事得凡人之旨近體
 詠物之詩太多即俊語屬見大半有白無章然昔人評趙文
 俶畫無中悃氣若景芳之詩其亦卓然自立者與

8
鞏年滿洲人有實情詩草詩寫性情不加雕琢其題邵飛詩
卷一首詩品所謂不着一字儘得凡流者也

呂坤德字靜齋漢軍人有襄平女子詩靜齋詩未見全稿茲於
選本中錄七律二首清詞麗白飄然有出塵之想凄然有避
之思蓋亦有所託以見志云

希光滿洲人員外郎伊嵩阿室殉節 賜旌烈婦夫病割股以

療不驗夫死從女弱無依勉守志茹荼十年女嫁次日賦七
言律二章見志自縊死翁吏部為表永貴錄其詩奏 高宗
憫之賜旌焉詩多凄婉其烈婦詞一篇為大學士舒赫德子

婦棟鄂氏作蓋亦自傷同志也

汪氏漢軍人知縣顧邦英室能詩

于潔御史于宗瑛女四品宗室魁明室年二十而寡能詩稿與
存

戊戌官集八旗詩話編入刪舊及見錄內今已
各處採增數百家尚未集齊俟有八旗女仕
一並採入



圖書

同治
庚午
歲
春

